

**ՄԵՐ ՀԱՅԵՐՈՒՆ ԽՐԱՏՆԵՐԸ**

**ՓՈՐՉՈՒԹԵԱՆՑ ՄԷՉ  
ՅԱՐԱՏԵՒՈՒԹԻՒՆ՝ ԶՐԻՍՏՈՍԻ  
ՕՐԻՆԱԿՈՎ  
ԵՐԲԱՅԵՑԻՆԵՐՈՒՆ ՆԱՄԱԿԷՆ  
12.1-7**

Ուրեմն մենք այլ, որ այսքան բազմաթիւ վկաներով չըջապատուած ենք, վանենք ամէն խոչընդոտ եւ մէկ կողմ ձգենք մեղքը, որ մեզ դիւրաւ կը պաշարէ, եւ համբերատարութեամբ պայքարինք մեզի ներկայացող փորձութիւններուն դէմ: Մեր աչքերը յարենք Յիսուսի, մեր հաւատքի հիմնադիրին ու կատարելագործողին, որ գիտնալով թէ ինչ ուրախութիւն կը սպասէ իրեն՝ արհամարհեց ամօթը, յանձն առաւ խաչի վրայ մեռնիլ եւ Աստուծոյ աթոռին աջ կողմը նստաւ:

Որպէսզի երբեք չյուսալքուիք եւ չտկարանաք, մտաբերեցէ՛ք, թէ Յիսուս ինչպիսի համբերութեամբ կրեց մեղաւորներու հակառակութիւնները: Դուք տակաւին ձեր արիւնը թափելու չափ դիմադրութիւն ցոյց չտուիք մեղքի դէմ պայքարին մէջ:

**ԵՐԲԱՅԵՑԻՆԵՐՈՒՆ ՆԱՄԱԿԷՆ 12.5-9**

... Ուստի համբերութեամբ ընդունեցէ՛ք Աստուծոյ խրատը գիտնալով, որ հօր մը պէս կը վարուի ձեզի հետ: Կա՞յ զաւակ մը, որ իր հօրմէն յանդիմանութիւն ստացած չըլլայ: Ընդհակառակը, եթէ Աստուած ձեզ չյանդիմանէ, ինչպէս կ'ընէ իր բոլոր որդիներուն կը նշանակէ, թէ իր զաւակները չէք եւ խորթ էք իրեն: Մեր մարմնաւոր հայրերը երբ մեզ յանդիմանեն, կը դադրի՞նք գիրենք յարգելէ: Ո՛չ: Ուրեմն, որքան աւելի եւս հնազանդ պէտք է ըլլանք հոգիներու հօր, որպէսզի կեանք ունենանք:

**ՅԱՅՏԱՐԱՐՈՒԹԻՒՆ**

**ԵՐԵՔՆԱՔԹԻ ԳԻՇԵՐՈՒԱՆ ՍՈՒՐԲ ՊԱՏԱՐԱԳ**

Նկատի ունենալով, որ Մեծ Պահքի ընթացքին Ս. պատարագը փակ վարագոյրի ետեւ կը մատուցուի, Երեքշաբթի գիշերուան Ս. պատարագի մատուցումը պիտի դադրեցնենք Երեքշաբթի, 2 Մարտ 2019-էն սկսեալ:

Ս. պատարագի մատուցումը պիտի վերսկսինք Երեքշաբթի գիշեր, 30 Ապրիլ 2019-ին, ժամը 7:00-8:00, Պուրճ Համուտի Ս. Վարդանանց եկեղեցւոյ մէջ:

**ԵՐԵՔՆԱՔԹԻ ԳԻՇԵՐՈՒԱՆ ԵՐԻՏԱՍԱՐԴԱԿԱՆ**

**ԱՍՏՈՒԱԾԱՇՈՒՆՉԻ ՄԵՐՏՈՂՈՒԹԻՒՆ**  
Ամէն երեքշաբթի գիշեր, ժամը 8:00-8:30, Պուրճ Համուտի Ազգային Առաջնորդարանի «Երջօ Սամուէլեան – Եռագոյն» սրահին մէջ, Ազգային Առաջնորդարանի Երիտասարդական Յանձնախումբի կազմակերպութեամբ, տեղի պիտի ունենայ 18-40 տարեկան երիտասարդ երիտասարդուհիներու ծանօթացման ընկերային հաւաք, ապա՝ ժամը 8:30-9:00, Աստուածաշունչի սերտողութիւն եւ հայ քրիստոնէական կեանքի հաւաքական քննարկում: Աստուածաշունչի սերտողութիւնը պիտի կատարէ Լիբանանի Հայոց Առաջնորդ՝ Գերշ. Տ. Նարեկ Արքեպիսկոպոս: Առաջին հաւաք եւ սերտողութիւն՝ Երեքշաբթի, 22 Յունուար 2019-ին:

Կը հրաւիրենք հայ երիտասարդութիւնը Հայ Եկեղեցւոյ հովանիին տակ համախորմբուելու եւ Աստուծոյ Խօսքով աճելու:

**ԵՐԵՔՆԱՔԹԻ ԳԻՇԵՐՈՒԱՆ ԱՍՏՈՒԱԾԱՇՈՒՆՉԻ ՄԵՐՏՈՂՈՒԹԻՒՆ**

Ամէն երեքշաբթի գիշեր, ժամը 8:00-8:30, Պուրճ Համուտի Ազգային Առաջնորդարանի «Երջօ Սամուէլեան – Եռագոյն» սրահին մէջ, տեղի պիտի ունենայ բոլոր տարիքի հայորդիներուն համար, ծանօթացման ընկերային հաւաք, ապա՝ ժամը 8:30-9:00, Աստուածաշունչի սերտողութիւն եւ հայ քրիստոնէական կեանքի հաւաքական քննարկում:

Աստուածաշունչի սերտողութիւնը պիտի կատարէ Արժ. Տ. Ղեւոնդ Քհն. Լօշ-խաճեան: Առաջին հաւաք եւ սերտողութիւն՝ Երեքշաբթի, 5 Մարտ 2019-ին: Կը հրաւիրենք հայ ժողովուրդի զաւակները Աստուծոյ Խօսքով աճելու:

**ՀԱՍՑԷ.**

**ՃՐԱԳ ՇԱՐԲԱԹԵՐԹ** - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud,  
P.O.Box 80810 - Tel/Fax:01-258300 – facebook-ի էջ jerak ճրագ քերթ

ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ




ՔՈՒ ԽՕՍՔԻ ԽՍ ՌՅՔԵՐՈՒՄ ԵՐԱԳ Է ՈՒ ԽՍ ՇԱԽՂՆԵՐՈՒՄ ԼՈՅՍ (Ս. 119-105)

ԺԲ. ՏԱՐԻ

ԿԻՐԱԿԻ, 21 ԱՊՐԻԼ 2019

ԹԻԻ 16

ԿԻՐԱԿԻ ՕՐԵՐՈՒ ԱՍՏՈՒԱԾԱՇՈՒՆՉԱԿԱՆ ԸՆԹԵՐՅՈՒՄՆԵՐ  
Գրծ. 1.15-26:  
ՅԻՍՈՒՄ ԶՐԻՍՏՈՍԻ ԱՒԵՏԱՐԱՆԸ ԸՍՏ ՄԱՐԿՈՍԻ 16.1-8



**Ս. ԶԱՏԻԿ:**  
**ՅԻՇԱՏԱԿ ՅԱՐՈՒԹԵԱՆ ՏԵԱՌՆ  
ՄԵՐՈՅ ՅԻՍՈՒՄԻ ՔՐԻՍՏՈՍԻ**

Շարքս օրը երբ անցաւ, Մարիամ Մագդաղեմացին, Մարիամ՝ Յակոբի մայրը եւ Սողոմէն գացին խունկեր գնեցին եւ պատրաստեցին, որպէսզի երթան եւ օժեն Յիսուսի մարմինը: Կիրակի առաւօտ կանուխ, արեւածագին, գերեզման եկան: «Ո՞վ պիտի գորէ գերեզմանի մուտքին դուրսը քարը», կը հարցնէին իրարու, որովհետեւ քարը շատ մեծ էր: Սակայն երբ նայեցան, տեսան որ քարը արդէն իսկ գորուած էր: Գերեզմանէն ներս մտան եւ ճերմակ զգեստ հագած երիտասարդ մը տեսան, որ աջ կողմը նստած էր: Մարսափեցան: Երիտասարդը ըսաւ անոնց. «Մի՛ վախնաք, գիտեմ որ խաչուած Նազովրեցի Յիսուսը կը փնտռէք, բայց հոս չէ, յարութիւն առաւ: Տեսէ՛ք զինք հոս դրած էին: Այժմ գացէ՛ք, ըսէ՛ք իր աշակերտներուն եւ Պետրոսի, որ ահա Յիսուս ձեզմէ առաջ կ'երթայ Գալիլիա. հոն պիտի տեսնէք զինք, ինչպէս որ ըսած էր ձեզի»:

Երբ ասիկա լսեցին, դուրս փախան գերեզմանէն, զարիւրած եւ ապշահար, ու ոչ մէկուն բան մը ըսին, որովհետեւ կը վախնային:

**ՄԱՐԳԱՐԵԱԿԱՆ ԳԻՐՔԵՐ  
ՊՕԳՈՍ ԱՌԱՔԵԱԼԻ  
ՆԱՄԱԿՆԵՐ**

**ԱՌԱՔԵԱԼՆԵՐՈՒ ԳՈՐԾԵՐԸ  
1.15-23**

Համբարձումէն քանի մը օրեր ետք, երբ շուրջ հարիւր քսան հաւատացեալներ մէկտեղուած էին, Պետրոս ոտքի ելլելով ըսաւ. «Նղբայրներ, պէտք էր կատարուեր Սուրբ Գիրքին մէջ գրուածը, այն ինչ որ նախօրօք Սուրբ Հոգին ըսած էր Դաւիթի բերնով՝ Յուդայի մասին, որ Յիսուսը ձերբակալողներուն առաջնորդողը եղաւ: Յուդա մեր խումբէն էր, մեզի պէս առաքելական ծառայութեան համար ընտրուած: Բայց իր անիրաւ մատուցեմէն ետք, որուն վարձով ազարակ մը գնեց, երեսն ի վայր ինկաւ այնտեղ եւ փորը նեղեցելով՝ փորոտիքը դուրս թափեցաւ: Բոլոր երուսաղէմացիները այս մասին իմացան, եւ այս պատճառով այ այդ ազարակը իրենց բարբառով «Ակեղդամա», այսինքն՝ «Արեան ազարակ» կը կոչեն: Արդ, Սաղմոսներու գիրքին մէջ գրուած է. «Թող անոր տունը աւերակ մնայ, եւ մարդ հոն չբնակի»: Իսկ ուրիշ տեղ մը կ'ըսէ. «Իր պաշտօնը ուրիշ մը թող առնէ»: Այստեղ կան մարդիկ որոնք միշտ մեր հետը եղած են Տէր Յիսուսի երկրաւոր առաքելութեան ամբողջ տեւողութեան, Յովհաննէսի ձեռնով անոր մկրտութենէն մինչեւ երկինք համբարձման օրը: Ասոնցմէ մէկը պէտք է, որ տասնըմէկիս միանայ՝ Քրիստոսի յարութեան վկայ ըլլալու համար»:

Այն ատեն հաւատացեալները երկու հոգի ներկայացուցին. Բարսաբա կոչուած Յովսէփը, որ Արդար մականաւանուեցաւ, եւ Մատաթիան:

Ապա հետեւեալ աղօթքը քրին. «Դուն, Տէր, որ կը ցանցնաս բոլոր մարդոց սիրտերը, ցոյց տուր մեզի թէ այս երկուքէն ո՞ր մէկը կ'ընտրես առաքելական այս պաշտօնին համար, որմէ Յուդա ինկաւ՝ ինքն իր նամբան երթալու համար»:

Ապա երկու անուններուն վրայ վիճակ ձգեցին: Վիճակը Մատաթիային ելաւ, եւ անիկա տասնըմէկ առաքելներու կարգին դասուեցաւ:

**Աստուած իր Որդիին  
խաղաղութիւնը տուաւ մեզի**  
«Մեր խաղաղութեան պատիժը անոր վրայ դրուեցաւ» (Ես. 53.5):  
**Աստուած առաւ մեր մեղքերուն պատճառած խռովութիւնը եւ զայն դրաւ Քրիստոսի վրայ, եւ առաւ Քրիստոսի խաղաղութիւնը եւ զայն դրաւ մեր վրայ: Քրիստոսի կապուած մարդը իր սրտին մէջ կը կրէ այն խաղաղութիւնը, որ Քրիստոս ինք ունէր: Քրիստոսապարզեւ խաղաղութիւն ո՛չ միայն մեզ խաղաղ կը պահէ փորձութեանց դիմաց, այլեւ՝ յաղթող կը դարձնէ անոնց դէմ: Կեանքի ծովերը միշտ կրնան փոթորկիլ եւ սարսափի ու յուսահատութեան մասնել մարդիկը, բայց անոնք որոնք Աստուծոյ գաւակներն են, անոնք անվրդով կերպով կը շարունակեն իրենց հաւատքի գնացքը յաղթականօրէն:**

**(Մատթայ 1 :7 )**  
**Իմաստութեան սկիզբը Տիրոջ երկրին է, խելացի են բոլոր անոնք, որոնք այդ իմաստութեամբ կ'ապրին, իսկ զգօնութեան սկիզբը՝ բարեպաշտութիւնն է Աստուծոյ հանդէպ, բայց ամբարիշտները կ'անարգեն իմաստութիւնն ու խրատը:**

**ՍՈՒՐԲԵՐ ԵՒ ՏՕՆԵՐ**

**Ս. ԶԱՏԻԿ**

**1.- Ի՞նչ է Զատիկ բառին  
իննասար:**

Զատիկ բառը ունի բազմաթիւ բացատրութիւններ: Ոմանք նմանութիւն կը գտնեն Եբրայեցիներու Պասեփին (Passover) հետ: Պասեփ կը նշանակէ ելք: Հրեաներու ամենամեծ ու յարգուած տօներէն մէկն է Պասեփը: Անոնք կը յիշատակեն Եգիպտոսի ծանր լուծէն իրենց ազատիլն ու ելքը: Իսկ մենք՝ Քրիստոնեաներս, Յիսուսի չարչարանքի արդիւնքով հրաշափառ Յարութեամբ կը յիշատակենք մարդկութեան մահուան իշխանութենէն ու սատանայի ծառայութենէն դուրս գալը եւ երկնքի արքայութեան արժանի դառնալը: Յիսուսի կեանքին վերջին դրուագները տեղի ունեցան հրեաներու Պասեփ տօնին:

**2.- Զատկուան ժողովրդական  
սովորութիւններ:**

Զատկուան ժողովրդական սովորութիւններէն կարելի է յիշատակել հաւկիթը կարմիր ներկելը եւ հաւկիթախաղը:

Հիները հաւկիթը կ'ընդունէին իբրեւ տիեզերքի խորհրդանշան եւ կը հաստատէին, թէ հաւկիթին կեղեւը կը նշանակէ ցամաքը, սպիտակը՝ ջուրը, դեղնուցը՝ կրակը:

Սովորութիւն էր գարնանամուտի օրը իբրեւ ընծայ իրարու հաւկիթ տանիլ, մանաւանդ կարմիր: Նաեւ ոսկիէ կամ արծաթէ շինուած կարմիր հաւկիթներ կը տարուէին իշխաններուն, իբրեւ հպատակութեան նշան: Ասիկա արեւելի մէջ, մանաւանդ հայերուն եւ պարսիկներուն մօտ:

Բոլոր կրօններուն մէջ ալ հաւկիթը իր կարեւոր տեղը ունէր, մինչեւ իսկ Հռոմէացիները եւ յոյները հաւկիթ կը նուիրէին իրենց աստուածներուն՝ սրբուելու եւ մաքրուելու համար:

Հրեաները Պասեփ տօնին կը պատաստէին բաղարջ հաց(առանց թթւմորի հաց): Պասեփ սեղանին վրայ անպայման պէտք էր ըլլար նաեւ գաւկական գառնուկը եւ պինդ խաշուած հաւկիթը:

Հաւանաբար Պասեփ այս սովորութիւնը փոխանցուեցաւ քրիստոնեաներուն:

Զատկական հաւկիթը Քրիստոնեային համար խորհրդանշան է այն ժայռէ գերեզմանին, ուրկէ Քրիստոս Յարութիւն առաւ:

**3.- Ի՞նչն է հաւկիթը կարմիր  
կը ներկէն:**

Կարմիր ներկը անցեալին ամէն տեղ չէր գտնուեր: Յայտնի է, թէ կարմիր ներկին հայրենիքը Արեւելքն է, ուր կը գտնուի որդան կարմիրը, որմէ կ'արտադրուէր կարմիր ներկը եւ կը տաքածուէր ամբողջ աշխարհին մէջ:

Հաւկիթը կարմիր ներկելու աւանդութիւնը կը բացատրուի հետեւեալ ձեւով: Նախ կարմիրը սիրոյ գոյն է: **Նրկորդ**՝ հայերը բնապաշտ ժողովուրդ եղած են, եւ բնութեան մէջ գերընտիր բերքն է որդան կարմիրը: Ինչպէս որ բնութեան ծննդաբերութիւններուն մէջ հրաշալի է հաւկիթը, ուստի հաւկիթը կարմիր ներկելով նուիրագործած են զայն: **Նրկորդ**՝ հաւկիթը կարմիր կը ներկուի որպէս ուրախութեան նշան: **Չորկորդ**՝ կարմիրը կը խորհրդանշէ նաեւ որպէս գոհի արիւնը, որ կը բացատրուի իբրեւ Քրիստոսի թափած արիւնը աշխարհի փրկութեան համար:

Հաւկիթը կը ներկեն Զատկուան նախօրը՝ Շաբաթ օր:

Տէրը իմ լոյսս եւ փրկութիւնս է, ես որմէ՞ պիտի վախնամ: Տէրը իմ կեանքիս ապաւէնն է, ես որմէ՞ պիտի դողամ: (Սաղմոս 27.1)